



Fréttir af verkefninu og staða framkvæmda

- Ný akstursleið sunnan við Gamla spítala
- Fyrri aðkoma að Landspítala opnuð aftur þegar ný undirgöng verða tilbúin
- Ný bílastæði í inngarði Barnaspítala
- Jarðvegsframkvæmdir við nýjan meðferðarkjarna
- Uppsteypun lokið við kvennadeild
- Gerð undirganga undir Gömlu Hringbraut
- Frágangur bílastæða við Eiríksgötu
- Frágangsvinna við gatnamót Laufásvegar og Gömlu Hringbrautar
- Akstursleið inn á framkvæmdasvæði meðferðarkjarna frá Læknagarði

Ný akstursleið sunnan við Gamla Spítala (Sjá nr.1 á korti)



27/08/2019 17:28:45 GMT



27/08/2019 17:24:08 GMT

Opnuð hefur verið á Landspítalasvæðinu akstursleið frá austri til vesturs (frá geðdeildarsvæði og að Kringlusvæði/kvennadeild) meðfram suðurhlið Gamla Spítala. Er þetta einstefnugata og er ekki mögulegt að keyra í austurátt á þessum vegi milli þessara svæða.

Gönguleið frá Barnaspítala og upp með austurhlið kvennadeildar hefur einnig verið opnuð.

Aðkoma að Landspítala í gegnum Gömlu Hringbraut opnuð aftur í haust

Aðkoma að Landspítala í gegnum Gömlu Hringbraut verður opnuð aftur þegar ný undirgöng við Snorrabraut verða tilbúin í haust.

Eins og stendur er ekki hægt að aka í gegnum Gömlu Hringbraut að deildum Landspítala eins og sjá má á eftirfarandi myndbandi:

<https://www.facebook.com/nyrlandspitali/videos/2043879582327813/>

Ný bílastæði í inngarði Barnaspítala (Sjá nr. 2 á korti)



27/08/2019 17:23:40 GMT

Aðalinngangur Barnaspítala er með akstursaðkomu frá Laufásvegi og Barónsstíg.

Búið er að opna ný skammtíma og sleppistæði fyrir Barnaspítalann í inngarðinum milli Barnaspítala og kvennadeildar. Þessi stæði eru fyrir sjúklinga og aðstandendur og eru ekki ætluð starfsfólk spítalans.

Frágangsvinna við hellulögnum í inngarðinum er að klárast. Gönguleið er framhjá Barnaspítala, í gegnum inngarðinn og upp með austurhlið kvennadeildar að Kringlu og Gamla Spítala.

Jarðvegsframkvæmdir við nýjan meðferðarkjarna. (Sjá nr. 3 á korti)



Vinnu við sprengingar og uppgröft nýs meðferðarkjarna miðar vel.

Framkvæmdasvæði Meðferðarkjarnans er nú komið í fulla stærð sunnan við Barnaspítala og kvennadeild og nánast fulla stærð til austurs sunnan við Gamla Spítala. Bílastæði fyrir Barnaspítala eru nú í inngarðinum milli Barnaspítala og kvennadeilda. Framkvæmdasvæðið er vaktað og er öll óviðkomandi umferð um svæðið bönnuð.

Uppsteypun lokið á lagnagangi meðfram kvennadeild. (Sjá nr. 4 á korti)



Vinna við uppsteypu á tengigangi austan kvennadeilda er lokið. Búið er að fylla yfir tengiganginn og malbika akbraut yfir sem liggar til austurs neðan við Gamla Spítala. Yfirborðsfrágangur milli akbrautar og kvennadeildarhúsi er í fullum gangi, en þar kemur snjóbræddur, hellulagður göngustígur.

Gerð undirganga undir Gömlu Hringbraut. (Sjá nr. 5 á korti)



Áfram er unnið að uppslætti og steypuvinnu við stoðveggi og undirgöng. Búið er að steypa undirstöður og veggi undirganga og uppsláttur fyrir plötu yfir undirgöngum er hafinn. Vinna við stoðveggi í tengslum við undirgöng er einnig í fullum gangi og lagnavinnu á svæðinu er að mestu lokið.

Vakin er athygli á því að gönguleið er núna frá Læknagarði og upp á Bústaðaveg og þar meðfram til að komast að geðdeild. Ekki er opin gönguleið í gegnum framkvæmdasvæðið. Framkvæmdir í og við undirgöng munu standa yfir fram eftir hausti.

Bílastæði við eldhús og rannsóknastofur við Eiríksgötu. (Sjá nr. 6 á korti)



Búið er að ganga frá bílastæðum við Eiríksgötu. Bílastæðin eru ætluð fyrir sjúklinga og eru með snjóbræðslukerfi en eftir er að reisa hjólaskýli við vesturenda bilastæðis. Hönnun á skýli er lokið og framkvæmdir við byggingu þess hafnar. Stefnt er að opnun hjólaskýlis í október.

Frágangsvinna við gatnamót Laufásvegar og Gömlu Hringbrautar. (Sjá nr. 7 á korti)



Frágangsvinna í kringum gatnamótin heldur áfram. Búið er að helluleggja gönguleið í veginn í beygjunni við Barnaspítalann. Hafin er lóðarvinna sunnan við Gömlu Hringbraut við strætisvagnastöðina, en ný hellulögn verður lögð á svæðið sambærileg við þá sem búið er að leggja norðanmegin við Gömlu Hringbraut og sett verður upp nýtt strætisvagnaskýli.

Athygli er vakin á því að til að tryggja aðgengi strætó um Barónsstíg er bann við bifreiðastöðum við austurkant Barónsstígs milli Eiríksgötu og Laufásvegar.

Starfsmönnum Landspítala er bent á að leggja ekki á þessu svæði.



Athygli er einnig vakin á því að allur akstur frá Vatnsmýrarvegi, við jaðar framkvæmdasvæðis, upp á Gömlu Hringbraut er bannaður nema akstur strætisvagna.


Mikilvægt er að gæta varúðar við akstur við vinnusvæði meðferðarkjarnans. (Sjá nr. 8 á korti)



Allur akstur vinnutækja inn á vinnusvæði meðferðarkjarnans er nú frá götu út frá Læknagarði. Búið er að merkja gönguleiðir og göngubrautir yfir götuna fyrir gangandi vegfarendur en ökumönum er bent á að sýna aðgát við akstur á svæðinu.

Skýringarmynd

Á kortinu eru sýndar gönguleiðir, götulokanir og framkvæmdasvæði.



Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmölum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson verkefnastjóri NLSH, 841 7050 eða netfangið asbjorn@nlsh.is

Aðrar almennar upplýsingar veitir Magnús Heimisson samskiptastjóri NLSH,

866 1378 eða magnus@nlsh.is.

Sértaekar upplýsingar veitir af hálfu Landspítala Stefán Hrafn Hagalín 897 3644 stefanh@landspitali.is og frá Háskóla Íslands Björn Gíslason 896 0876 bgisla@hi.is



nlsh.is

NLSH ohf. / Skúlagata 21, 101 Reykjavík / Aðalnúmer 551 6010 / kt. 500810-0410 / postur@nlsh.is
